

Diegcoj Dwg Bienq Namhseuq Ndeu

故乡是一片净土

□ Leiz Mingzgenz/雷鸣乾

Diegcoj gou dwg youq Denhdwngj Yen Yangduh Cin Dingzloz Cunh Mbanjdzingzen, mbanj neix sam mienh miz bya humx. Daengx mbanj miz hajbak lai ranz, songcien hajbak lai vunz, ciemq dieg betcien lai moux, ndawde miz itcien betbak lai moux reih naz.

Vunzmbanj bibi ndaem haeuxyangz caeuq gooij. Saedceij gvaq ndaej an'omj youh fouqmiz.

Gyang mbanj miz aen gvangj-cangz ndeu, hix heuh guh dieg gunhgung. Youq Denhdwngj Yen lajmbanj sojmiz cunhbu dieg youq ndawde daej suenq, aen dieg gunhgung neix dwg aen ceiq hung ndeu, dingz ndaej songbak lai aen ci. Lijmiz giuzcangz caeuq daizhei dem. Dieg gunhgung, baet ndaej seuqsak, hawj vunz roxnyinh gig cwxciah.

Mbanjdzingzen fouqmiz nauhyied.

Vunz Dingznen gig swnhheiq ndei gangj.

Mwh mwngz daej daengz Dingznen, muengh gvaqbae, hajbak lai aen ranz, aen'aen dwg laeuz moq, mbouj miz saek aen ranzrwix.

Bien giuzcangz, miz haj gorungz hung. Moix ngoenz daj banhaet daengz banhaemh, cungj miz haujlai vunzgeq comz youq goek gorungz, mizmbangj vunz dwkbaiz, mizmbangj vunz gangjgoj, miz di vunz eu fwen, bouxboux najriu, bouxboux angqfwd-fwd.

Banhaemh, naengh youq bak-mbanj couh raen gij vunzmbanj guh hong dauqma ranz, miz vunz rap doenghyiengh, miz vunz mbek fag-gvak, itmienh byaij roen itmienh ciengqgo, bouxboux angqfwtft.

Yaep he, daengnoenz ciemh-ciemh roengz byaibya bae. Mbwn laep

lo, haeuj mbanj bae cungj sup daengz gij hei q homfdfwd haenx, neix couhdwg vunz ndaw mbanj cawj byaekcaeuz ne.

Banhaemh bet diemj buenq cung, giuzcangz dienhdaeng ronghsagsag lumj banngoenz nei. Yaep he aen sing yinhyangj yiengjgokgok, seizeinx miz bouxsai miz mehmbwk daej diuq gvangjcangzvuj lo. Gyoengqvunz moix haemh diuq daengz cib diemj cung ej daubae ranz guh fangzhwnz.

Daj bakmbanj yiengq baihbaek byaij bae, nanz mbouj nanz yawj raen laj dinbya miz baenz momq baenz momq ranz. Neix couhdwg gij ranz ciengx yiengz vunzmbanj. Dingq gangj daengx mbanj Dingznen miz geij fanh duz yiengz bw. Vunzhek baihrog ciengzseiz daej gizneix cawx yiengz, aeu cihung cang baenz ci baenz ci rag okbae ne.

Caiq daj bakmbanj yiengq baihsae yawj bae, hix miz haujlai momq ranz, dwg ranz ciengx mou ciengx gaeq vunz Dingznen, mou miz fanh lai duz, gaeq hix miz song sam fanh duz. Neix couhdwg gij cwngzgoj guekcoj banghoj aen cwngcwz neix daiq daej. Daildoengh le aen mbanj Dingznen ginghci cienz-mienh fazcanj.

Mbanjdzingzen, youq Denhdwngj Yen lajmbanj ma gangj, suenq dwg aen mbanj hung daihngieh, vunz lai labcab, daengx mbanj miz cib geij aen singq. Danhseih, aen mbanj neix gig doxgiet, bak lai bi roengzdaej, soqlaiz mbouj miz vunz yawj vunz mbouj hwnj da gvaq, ndaw mbanj miz bouxlawz miz nanh, daengx mbanj vunz gag bae bangcoh.

Seizneix vangjloz fazdaz, cunhveij couh laeb miz aen ginz veizsin daengx mbanj ndeu, ranz lawz miz

nanh, cunhveij couh fat hwnj ginz bae hawj daihgya rox, gak vunz couh gag ok ngaenz daej bang lo.

Geij bi gaxgonq, miz boux vunzmbanj ndeu baenz binghnaek, bae daengz Namzningz ywbingh, ranz de ngaenz mbouj gaeuq, ndaw mbanj rox le, couh dawz aen saehcingz neix fat hwnj aen ginz ndaw mbanj bae, aeu daihgya ok ngaenz daej bangcoh, boux youq ranz, boux youq baihrog dajhong cungj gien ngaenz lo, mbouj daengz haj ngoenz seizgan, gungh ndaej geij fanh maenz ngaenz hawj de ywbingh.

2018 nienz, miz ranz ndeu mbouj siusim deng feiz coemh ranz le, gij doenghyiengh mbouj lw saek di, aen ranz hix deng coemh vah lo, cunhveij doiq gienh saeh neix gig yawjnaek, sikhaek fat hwnj aen ginz ndaw mbanj bae lwnh, daihgya gag ok ngaenz daej bang ranz de dauqcungz guh ranz moq, hix mbouj daengz haj ngoenz seizgan, cib geij fanh maenz ngaenz couh daengz gwnz fwngz boux de lo.

Couh yienghneix, haujlai bi roengzdaej, Dingzloz Cunh cungi bingz ndaej Denhdwngj Yen haj singhgiz vwnzmingz cunh.

Mbanjdzingzen miz gienh saeh ndeu caeuq mbanjwnq mbouj doengz, gig daegbied. Gangj okdaeuj miz haujlai vunz mbouj saenq. Danhseih, saedsaeh saehsaeh dwg yienghneix ne.

Miz vunz heuh aen mbanj neix guh mbanj "sam mbouj miz":

Daih'it mbouj miz fangzbaed. Aen mbanj neix bak geij bi roengzdaej, mbouj laeb miz ranzmiuh, bungz daengz ciet hung, vunz mbanjwnq cungj aeu gaeq bae caeq miuh, Mbanjdzingzen couh mienx bae aen hong mazfanx neix. Daengx mbanj mbouj miz saek boux guh gvaq goengdauh, mbouj miz saek vunz guh gvaq mehgimq, hix mbouj miz saek vunz saenq baed saenq dauh gvaq, mbouj miz saek boux cingj gvaq goengdauh caeuq mehgimq, couhdwg miz vunz dai, mboujlnh vunzgeq roxnaeuz vunzcoz, cungj mbouj cingj goengdauh daej guhdauh gvaq, cijmiz dungheih beixnuengx daej bang hong, ram boux dai bae moek le, dauqma gwn donq ndeu couh liux saeh lo.

Daihngieh mbouj miz vunz guhdoj.

Daihsam mbouj miz vunz gwndoeg.

Ginggvaq diucasz, Mbanjdzingzen daengz seizeinx caengz miz saek boux guhdoj, caengz miz saek vunz gwndoeg gvaq. Bouxboux gag ciuqsoj faplwd sapgvi, bouxboux gag ciuqsoj gij goeng'iek ndaw mbanj, noix raen miz vunz famhfap.

Diegcoj gou couh yienghneix, seuq lumj mbwn, saw lumj raemx.



Dahsau Myauzcuz youq baihnaj daemzngaeux Sanhgyangh Dungczu Swciyen Liengzgouj Yangh Hozlij Cunh guhcaemz.

Vuz Lenyinh ingj

Yienghyiengh Vih Lwgminz

一切为人民

□ Cungh Swmingz/钟自鸣

Cungguek geij cien bi, Lizsij raezranghrangh, Bya sang dieg youh gvangq, Rumzlangh bongj mbouj dingz.

Gwn van dwg bouxhak, Daenj lak dwg bouxminz, Miz vunz haemz ndawsim, Cix oksing mbouj ndaej.

Gungcanjdangj laebbaenz, Raeuz yawjraen maqmuengh, Riengz Dangj bae hoenxiengq,

Ndaej gaijbienq aenmbwn.

Cauxlaeb Cungguek moq, Bouxhoj angq dangqmaz, Haeuj se caemh ndaemnaz, Caez danggya guhcawj.

Ciuhneix gyoengq ganbu, Roengzmbanj guh banggungz, Daeuj fugsahem sam nungz, Hawj duetzungz baenzfouq.

Ndaej gwn ndei youq ndei,

Yamq haeuj seizdaih moq, Dangq guh fangzhwnzloq, Saedceij oq baenz feiz.

Dangj hai Ngeihcib Daih, Daengx seiqgyaiq byaengq da, Dingh fukhwng Cunghvaz,

Guh guekgya maenh'ak.

Yienghyiengh vih Lwgminz, Dangj aencingz naeklaeg, Yaengx mbawgeiz daegsaek, Ciengxlwenx baek giz sang.